

A päns a mî mèder,
a päns a mî pèder,
a päns a tótt quî
ch i én bèle andè vî,

a päns ai mî zién
Elio e Iole ed Murén,
i avêven un fiôl sâul,
al s n andé int un vâul,

a l'Ivonne e a l'Igea,
bèli ch'an n'avî idéa,
a päns a la ziéna Gina
l'êra sôra, insgnèva Dottrina.

Al zío Guido, sbianchizén,
ch'al parêva un figurén,
Dôlfo l'êra in Ferovî
scûr i ûc' e anc i cavî,

po' la Laura, infarmîra,
ch'la fèva anc da paruchîra,
la pió dâulza l'Argentina
nómm ed batâglia "Giuseppina".

Sî surèl e dû fradî
ch'in s én mâi tirè indrî
quand ai êra da lutèr
per la Pès e pr al magnèr.

Fiû ed Dâni e Nunziadéna
scariulànt e cuntadéna,
ch'i an padé misêria e fâm
dai faséssta bîsti infâm,

i an ciapè ufaiś e bôt
e par pèga un pó ed pancòt,
i an fât tûr l òli ed rizén
gnanc i fóssen malandrén.

I n an mâi pighè la tèsta,
l'êra dûra la prutèsta,
ai sù fiû i an insgnè
al valâur d la dignitè,

acsé quand arivé l'âura
i fónn prònti, sänza pòra.
Parsunîr e Deportè,
Partigiàn d la Libartè.

I êren zûvan inteligént
e coi sù cunbatimént
i s an dè un'Istituziàn
ch'l'à un bèl nómm "COSTITUZIÀN".

L'é un'ereditè ed valâur
da tgnîr strécca cån rigåur,
giän a chi la vòl canbièr
"såul al Pòpol al le pòl fèr"!

Sté trancuèll, fentànt ch'ai sän
tòtti äi fòrz adruvarän
parché quall ch'avî lasè
sía par sänper respetè!

W LA RESISTÄNZA!

Penso a mia madre,
penso a mio padre,
penso tutti quelli
che sono già andati via,

penso ai miei zii
Elio e Iole Morini,
avevano un figlio solo,
se ne è andato in un volo,

all'Ivonne, all'Igea,
belle che non ne avete idea,
penso alla zia Gina
era suora e insegnava Dottrina.

Lo zio Guido, imbianchino,
sembrava un figurino,
Adolfo era in Ferrovia,
scuri gli occhi ed i capelli,

poi la Laura, infermiera,
che faceva anche la parrucchiera,
la più dolce Argentina
nome di battaglia "Giuseppina".

Sei sorelle e due fratelli
che non si sono mai tirati indietro
quando c'era da lottare
per la Pace e per il mangiare.

Figli di Danio e di Annunziata,
scarriolante e contadina,
che hanno patito miseria e fame
dai fascisti bestie infami,

hanno preso offese e botte
e per paga un po' di pancotto,
hanno ingoiato l'olio di ricino,
neanche fossero malandrini.

Non hanno mai piegato la testa,
era dura la protesta,
ai loro figli hanno insegnato
il valore della dignità.

Quando arrivò l'ora
furono pronti, senza paura,
prigionieri, deportati,
Partigiani della Libertà.

Erano giovani intelligenti
e con i loro combattimenti
ci hanno donato un'Istituzione
che ha un bel nome COSTITUZIONE!

È un'eredità di valore
da tener stretta con rigore,
diciamo a chi la vuol cambiare:
"Solo il Popolo lo può fare!"

State tranquilli, finché ci siamo,
tutte le forze impegneremo
perché ciò che ci avete lasciato
sia per sempre rispettato!

W LA RESISTENZA!